

INUIT ATAQATIGIIT INATSISARTUNI



UPA2022/121

28. April 2022

Mikivsuk Thomassen

**Meeqqat 18-nit inorlugit ukiullit kinguaassiuutitigut
atornerlunneqarsimasut, taakkunungalu
angajoqqaajusut/akisussaasut, tarnip nakorsaanik piaartumik
ikiorserneqarnissamik periarfissaqalernissaannik
pisinnaatitaaffeqalernissaat pillugu nassuiaasioqqullugit
Naalakkersuisut peqquneqarnissaannik Inatsisartunut
aalajangiiffigisassatut siunnersuut. Misissuineq
periuserineqarsinnaasunik saqqummiussisussaq
piviusunngornissaanullu pisariaqartinneqartunik takussutissiisussaq,
tamatumani aningaasatigut allaffissornikkullu kingunissai ilanngullugit,
kingusinnerpaamik UKA2023-qarnerani Inatsisartunut
tunniunneqassaaq.**

(Inatsisartunut ilaasortaq Anna Wangenheim, Demokraatit)

Siullertut qujarusuppunga saqqummiisumut, kinguaassiuutitigut
atornerlunneqarsimanerup kingunerisaanik piaartumik ikiorserneqartarnissaat
pissusissamisoorluipparpoq assortorneqarsinnaangitsoq.

Kinguaassiuutitigut atornerluisarneq akuerinngisaannartsigu aammalu
akuerineqarsinnaangilaq.

Kinguaassiuutitigut atornerlunneqarsimagaanni qanoq sakkortutigisinnaanera
takorloorsinnaangilaq, tassali pisoq atornerlunneqartumut timikkut tarnikkut
ikilerneqarneq sakkortungaarmat, allaat inuunerup sinneranut ikiliisuummat,
piaartumillu ikiorserneqarsimannikkaanni kingunerluutaasinnaasut
sakkortumik kinguneqarsinnaanerit ilimagilluinnarpara.

INUIT ATAQATIGIIT INATSIARTUNI



Kinguaassiutitigut atornerlunneqarsimagaanni qaangiiffigitissimagaannilu piaartumik ikiorserneqarsinnaaneq eqaannerulernissaa ajornannginnerulernissaa pisussaaffigaarput.

Piaartumillu ikiorserneqarsinnaaneq pitsaanerulernissaa anguneqassappat, toqqaannartumik sullissisussat pingaaruteqarpoq suleqatigilluinnarneqarnissaat tarnip pissusaannik ilisimasalinnik, sulisullu pikkorissartuarneqarnissaat allaqqunneqarsinnaangilaq.

Kinguaassiutitigut qaangiiffigitissimagaanni pinngitsoorneqarsinnaanngitsut ilagaat angajoqqaat qanigisallu taakkualu eqqumaffigineqarnissaat kissaatigeqaara, ilanngullugit ikiorsiineramik peqataatinneqartarnissaat pisariaqarluinnarmat, taakkuupput aamma eqqorneqartartut nukinnillu annertuumik atuisarlutik ikiortsissarsiornermi.

Isumaqarpunga una saqqummiunneqartoq pingaaruteqarluinnartooq sukumiisumik suliassatut tiguneqartariaqartoq, Naalakkersuisullu akissutaanni takuneqarsinnaavoq kinguaassititigut atornerlunneqarsimasut kingunerlutititut pillugut suliamik aallartsitisimanerat siunnersuutigineqartoq ataatsimut suliarneqarsinnaanera pisinnaasoq eqqarsaatersuutigineqarnissaa anngukkusuppara.

Taamatut oqaaseqarlunga Naalakkersuisut saqqummiussaap taperserparput.